

黃帝太一八門入式訣卷下

黃帝曰六丁玉女常自隨各有知若欲使之各呼其名自可神驗古者鬼谷子張太玄唐公弼費長房季八伯陶先生魯哀公瑤瑤子伍子胥張子房魯平公周文隆先生王子喬

竇先生宋員左公房淮南子女羅先生謝自然皆以此法行持皆獲仙矣若人不能清淨斷房難艱只得長壽富貴萬歲不失仙矣諸師傳此法能救人間萬病知鬼神姓名住處世間邪魅耗動鬼神六丁神女盡皆知之生死吉凶內外高下大小事務盡皆入夢唯慎口言得遇此法萬事從心國家有此文辟一切諸惡口舌先惟鬼神精邪永不近人門百千萬斤金不傳非其好事博雅君子行持六丁玉女之術斯為妙法矣

丁卯丁未乃四宮丁巳丁酉七宮裏丁亥直南在九宮丁丑常於三宮止五女曰依法起日定門戶陽甲加乾假令正月甲子日福德直神在一宮休門皆在丁周而復始正陽月甲加在震丙加在辰生門吉丁加在坎休門

吉戊加在兌驚門庚加在坤死門辛加在離景門玉女曰但休生過乙丙丁為三奇吉門出開吉先門裏丁字着脚面左右閉地戶呪之

呪曰

赫赫黃黃天地之光 威震雷電 辟除不祥 臣今用心 福祿永昌 急急如律令攝




先發左脚出門躍步而行

玉女曰躡足出休門開鬼門開人門存心默念

呪曰

六甲九章 天圓地方 五行日月 運轉如常


禹出持道 蚩尤避兵 青龍扶藪 白虎扶行 朱雀前引 玄武後隨 辟除不祥 北斗誅伐 降福除殃 急急如 玉女律令攝




玉女曰躡步出生門先開鬼門開人門存心默念

呪曰

天乙之勅 變凶為吉 前虎後龍 左社右稷 寇賊伏隱 行者有喜 在途有益 陰虛扶助 所求皆吉 急急如律令攝



玉女曰上將軍披頭跣足仗劍躡足而去如受持此法庶人一般用之



呪曰



四縱五橫六甲六丁蚩尤治道蒙恬被兵周
進天下遠復往反所有虎狼賊盜一切惡毒
並赴吾魁罡之下無動無作急急如律令勃

左脚踏符勿語書符亦不迴顧但行大吉

凡見貴人左手心內書天字求財合字入
學士字入孝家里字入病家吉字遠行通
字夜行魁字入陣乾字博戲賭錢乾字入
水過河土字

此法背面而作男左手內書字書符女子
右手心書符書字勿語閉氣書之此法的
有神驗


孫吳韓白提符籙法漢末三分西蜀李
相諸葛武侯施七擒七縱之術提此靈王
賊將亦此法



五八

三十一

得不去出感迷速從斗口數之為妙



凡作法書符籙人失物處此賊神姓名
悉形如人頭剪髮露頭眼目似人面驢耳
行無足膝着地有尾好着皂衣性惡左手
執戟右手擎錢物喜殺人被賊先殺傷傷
已身如何解之如小賊偷盜諸般持法使
用去捉之用朱書符筒上畫賊形神像即
於失物處或中庭西北斗下五方念呪謹
請

東方青帝如青南方赤帝如赤西方白帝如
白北方黑帝如黑中央黃帝如黃

吾從天策神將攝汝身更便諸神持追捉若
不從吾傳汝身形推入萬丈火坑送汝女陰
都羅山水不得受生萬劫世世受若吾口若
神吾口若聖向東唾木摧折向南唾火消滅
向西唾金剛缺向北唾水枯竭向上唾天天

五八

三二

柱倒向下唾地地分裂唾一賊萬賊滅急急
如太上律令攝

右於未日寅時賊人自縛立至門傍要放
便放要捉便捉

黃帝太乙八門入式訣卷下